



Enchiridivm Chronologicvm Sacræ Et Prophanæ Historiæ

Salian, Jacques

Coloniæ Agrippinæ, 1638

Capvt XIV. Num periodus hæc Chronicos errores castiget, aut ea vtentis
memoriam subleuet.

[urn:nbn:de:hbz:466:1-64957](https://nbn-resolving.de/urn:nbn:de:hbz:466:1-64957)

ad Chronologiam.

pera hæc methodus nunquam extri-
cabit.

C A P V T . X I V .

*Num periodus hæc Chronicos errores
castiget , aut ea vtentis memo-
riam subleuet.*

HÆc quoque in huius periodi laude ponuntur , sed quam legitime ? Non enim Chronicos errores castigare potest , nisi posito vnam aliquam opinionem , verbi causa , de primo anno Olympico , esse veram , eique talem annum periodum recte congruere : tum cæteræ omnes sententiæ ; quæ ab illo anno Juliano aberrabunt , falsæ erunt. Esto sane , ad id non erit periodi Julianæ beneficium , sed aptæ dispositionis annorum Olympicorum. Et quamuis id esset huius periodi beneficium . Nonne idem valebit in anno mundi ? Si enim posuerimus Olympiades inchoari anno mundi 3278. quod nos verum credimus , quæ opinio à nostra plus minusue discedet , illa plus minusue aberrabit à vero.

Qui

Introductio

Qui autem ista periodus memoriam
subleuare possit, & non potius one-
rare soleat, non satis intelligo. Facilius
enim est, & ad vsum, ac memoriam
longe promptius reperire, quo mun-
di, aut diluuij, aut alterius Epochæ an-
no, aliquid factum fuerit, in commu-
ni sententia Chronologorum, quam
quo id anno contigerit periodi Iulia-
næ ; qui annus necessariò varius est,
pro opinionum, quas sequi debet, di-
uersitate ; & multo est, quam Mundi,
aut Diluuij annus, obscurior. Qui er-
go hanc memorię facilitatē experitur,
eam peculiari Dei beneficio tribuat,
non laboriosis periodi Julianæ tricis,
quæ nisi multo cum additionum, sub-
ductionū, & diuisionum labore, usui
esse non potest. Quærat enim aliquis,
quo anno periodi Julianæ ortum sit
Diluuium, Quid respondebit perio-
dicus iste Chronologus ? Nihil habet
quod respondeat, nisi prius quæsierit,
atque acceperit quem Solis cyclum
habeat ille annus. Cui si obieceris,
tarde ipsum respondere quæsito, &
impeditiorem etiam obtrudere quæ-
stionē: perstabit nihilominus in mora.
Demus ergo, ne morosi simus, Solis
cyclo decimo eluisionem illam con-
tigisse:

Ad Chronogiam

tigisse; hærebit etiam nunc, negabique sibi satis esse Solis cyclum accepisse, volet etiam Lunæ. Quid nobis cum tot circulis annorum, qui vnicum annum petimus? nonne hoc tergiuersari est? sed demus etiam cyclum Lunæ gratis, sit quinque, si placet. Nunc denique uno verbo dic, quod te volumus. Necdum responderi potest, inquit, tertium postulatum necessarium est, Indictionis Romanæ: de cuius numero ubi constiterit, tum demum multiplex additionum, subtractionum, multiplicationū, & partitionum inchoandus est labor. Apagetricias istas: ut rem facilem addiscam, tot mihi obscuræ quæstiones sunt evoluendæ? toties Arithmeticus ad eundus? videlicet ad subsidiū memoriaræ. Quanto promptius, certius, expeditius ex historia mundana responderimus, inundationē illam primā anno ab ortu rerum 1656. contigisse? quod ex Mosaico Patriarcharum catalogo priore, sine vlla dubitatione confirmabimus.

Quid quod ne cyclus quoque Solis aut Lunæ, beneficio huius periodi, certo reperiri potest? nimirū propter minutias, quæ superfluunt, prohibent-

Introductio

bentque Solem aut Lunam in idem
punctum , cyclo absoluto remeare.
Experiamur in Luna : Certo constat
ex omnium Astronomorum consen-
su , intra nouendecim annos minu-
tias colligi , quæ vnam horam cum
dimidia conficiant. Itaque sedecim
Lunares circuli , diem vnum , intra
trecentos & quatuor annos omnino mu-
conficient; duo autem & triginta, dies see-
duos , atque ita deinceps eodem mo-
do progreedi licebit: Ex quo denique
fiet, ut pro plenilunio, quod indicatur
ab egregia ista periodo , nouilunium
reperiatur. Grauissimam hanc periodi
Iulianæ plagam , patroni eius curare
aliter non possunt, quam si , post tre-
centos & quatuor quoisque annos, in-
serant , atque adjiciant vnum diem:
quo scilicet die intra illos annos defi-
cit ac manca est ista periodus, in Lunæ
cyclo reperiendo , & insanabiliter ab-
errat à vero: quem errorem liquidò
cōstat in singulos Lunæ cyclos
proportionē redun-
dare.

— 60 —

CA-